

Allannguutissatut siunnersuut

uunga

Uunga siunnersuut: Imaani avatangiisit illersorneqarnissaat pillugu Inatsisartut inatsisaat nr. xx, 2017-imeersoq.

Naalackersuisunit pingajussaaneerinninnermut saqqummiunneqartoq.

§ 62-mut

1. § 62 ima oqaasertalerneqassaaq:

” § 62. Akiliisussanngortinneqarsinnaavoq:

- 1) § 5, imm. 1-imik, § 8-mik, § 10, imm. 1-imi aamma 2-mik, § 11, imm. 1-imik, § 15, imm. 1-imik, § 16, imm. 1-imik, § 19, imm. 1-imik, § 20, imm. 1-imik, § 22-mik, § 25-mik, § 31, imm. 1-imik, 2-mik aamma 4-mik, § 32, imm. 1-imik aamma 3-mik unioqquutitsisunut,
- 2) § 5, imm. 2, § 19, imm. 3, § 23 aamma § 24, imm. 1 naapertorlugit akuersissummut, § 29 naapertorlugu immikkut ittumik akuersissuteqarnermut imaluunniit § 36, imm. 1 naapertorlugu akuersissuteqarnermut atatillugu atugassarititaasunik sumiginnaasunut,
- 3) § 40, imm. 1-5, kiisalu § 41 naapertorlugit nalunaaruteqanngitsoortunut, imaluunniit § 40, imm. 6 naapertorlugu paasissutissanik tunniussinngitsoortunut,
- 4) § 27, § 28, § 45, imm. 1 aamma 2, imaluunniit § 46, imm. 1 naapertorlugit inerteqqummut peqqussummulluunniit malinninngitsunut,
- 5) § 44 naapertorlugu misissuinernik imaluunniit § 49, imm. 2 aamma 3 naapertorlugit nakkutigininnermut akerliusoq,
- 6) § 47, imm. 2 naapertorlugu uninngatitsinerumut akerliusoq,
- 7) § 35, imm. 2 naapertorlugu atugassarititaasunik sumiginnaasunut imaluunniit aalajangiinerit naammassinissaannut malinninngitsunut, imaluunniit
- 8) immikkut ittumik akuersissuteqarnermi § 15, imm. 4 naapertorlugu atuuttussamut atugassarititaasunik sumiginnaasunut, imaluunniit taamatut immikkut ittumik akuersissuteqarnissamut qinnuteqarnermut atatillugu eqqunngitsunik paasissutissiisunut.
Imm. 2. § 5, imm. 1-imik, § 8-mik, § 10, imm. 1-imik, § 11, imm. 1-imik, § 20, imm. 1-imik, § 22-mik, § 31, imm. 1-imik aamma 4-mik, aamma § 32, imm. 1-imik unioqquutitsisoqarneranut atatillugu akiliisussanngortitsinerup aalajangerneqarnerani, sananeqaatit atortulluunniit kuineqartut, kuutsinneqartut, iginneqartut ikuallanneqartulluunniit annertussusaat tunngavigalugit akiliutissaq sakkortusisaq naatsorsorneqassaaq.
Imm. 3. Piaaraluni imaluunniit annertuumik mianersuaalliorluni unioqquutitsisoqarnerani, akiligassiisutaasoq annertusineqarsinnaavoq, unioqquutitsinermi:
 - 1) avatangiisinik ajoqusiisoqarpat imaluunniit taamatut pisoqarnissaanut ulorianartorsiortitsisoqarpat, imaluunniit
 - 2) pineqartup nammineerluni allalluunniit aningaasaqarnerannut, tassungalu ilanngullugu

sipaaruteqarnissamut iluaqusiinissaq anguneqarsimappat siunnerfigineqarpalluunniit.

Imm. 4. Akiligassiissutit, Inatsisartut inatsisaat manna imaluunniit maleruagassat taanna tunngavigalugu aalajangersarneqartut naapertorlugit akiliutigitinneqartut Nunap Karsianut tutsinneqassapput.”

§ 63-mut

2. § 63 ima oqaasertalerneqassaaq:

” § 63. Maleruagassani, Inatsisartut inatsisaat manna naapertorlugu aalajangersarneqartuni akiliinissamut akisussaasunngortitsinissamut maleruagassanik aalajangersaasoqarsinnaavoq. Kiisalu pissutsinik § 62, imm. 2-mi aamma 3-mi taaneqartunut assingusunik pisoqartillugu akiliutissap annertussusilerneqarneranik sukannernerulersitsinissaq imaluunniit annertusisitsinissaq aalajangersarneqarsinnaavoq.”

§ 66-mut

3. § 66, imm. 2, ima oqaasertalerneqassaaq:

” *Imm. 2.* Akiligassiissutaasup imaluunniit suliamut aningaasartuutit akilerneqarnissaasa qulakkeerneqarnissaannik pisariaqartinneqarpat aallaqqusaajunnaarsitsisoqarsinnaavoq, taamaattorli taamaallaat aningaasat taaneqartut akilerneqarnissaasa imaluunniit tamatumunnga qularnaveeqqusiisoqarnissaata tungaanut tamanna pinnaavoq. Suliamut inaarutaasumik aalajangiinerup kingorna qaammatit marluk iluanni tamanna pinngippat, umiarsuaq atorlugu naammassinnittoqarnissaa qinnuteqaatigineqarsinnaavoq. Uuliamik imaarsinermi umiarsuarmik atuisoq umiarsuarmik atuinissamut pinnaatitaaffeqarsimangippat aallaqqusiunnaartoqarsinnaangilaq.”

§ 67-mut

4. § 67, imm. 1, ima oqaasertalerneqassaaq:

” Inatsisartut inatsisaanni imaluunniit maleruagassani taanna naapertorlugu aalajangersarneqartuni akiligassiinissaq tunngavissaqarpat, akiligassaq Kalaallit Nunaanni pinerluttulerinermut inatsimmi maleruagassat naapertorlugit suliffeqarfimmut tutsinneqarsinnaavoq. Namminersorlutik Oqartussat, kommuni imaluunniit kommunit suleqatigiiffiat unioqquutitsisuuppata, aammattaaq Namminersorlutik Oqartussat, kommuni imaluunniit kommunit suleqatigiiffiat akiliisussanngortinneqarsinnaapput.”

§ 68-mut

5. § 68 ima oqaasertalerneqassaaq:

” § 68. Inatsisartut inatsisaannik unioqquutitsineq akiliisussanngortitsinik pinqaatissiiiffusinnaasoq, unioqquutitsisoq unioqquutitsinermut pisuusimalluni nalunaaruteqarpat, aammalu piffissaliussap iluani nalunaaruteqarnermi akiliutissatut taaneqartumi akiliinissamut piareersimalluni nalunaaruteqarpat,

eqqartuussisulersuussinertaqanngitsumik aalajangiiffigineqarsinnaanerani Naalakkersuisut nalunaaruteqarsinnaapput. Qinnuteqartoqarneratigut piffissaliussaq Naalakkersuisunit sivitsorneqarsinnaavoq.

Imm. 2. Taamatuttaaq Kalaallit Nunaanni eqqartuussisaaseq pillugu inatsimmi allakkap unnerluussuttip imaanut, aammalu unnerluutigisaasup oqaaseqarnissamut pisussaaffeqannginneranut piumasaqaatit akiligassiinermut atuutissapput.

Imm. 3. Akiligassanngortinneqartoq piffissaq eqqorlugu akilerneqarpat, imaluunniit pisumi aalajangiussaq malillugu akilersinneqarpat malersueqqinnissaq atorunnaassaaq.”

Allannguutissatut siunnersuummut nassuiaatit

Nalinginnaasumik nassuiaatit

Imaani avatangiisit illersorneqarnissaat pillugu Inatsisartut inatsisaattut siunnersuut aalajangersakkanik arlalinnik akiliisitaanermut pineqaatissiisarnermut tunngaasutilinnik imaqarpoq.

Naalakkersuisut maluginiarsimavaat aalajangersakkat taakku kalaallisuunngorneranni taaguutit atorneqartut pinerluttulerinermut inatsimmi taaguutinut atorneqartunut naapertuutinningsut.

Allannguutissatut siunnersuummik siunertaavoq inatsisissatut siunnersuutip kalaallisuunngornerata pinerluttulerinermut inatsimmi taaguutinut atorneqartunut naapertuuttunngortinneqarnissaa.

Allannguutissatut siunnersuut inatsisissatut siunnersuutip danskisuunngornerata allannguuteqarnerani nassataqanngilaq.

Allannguutissatut siunnersuummi aalajangersakkanut ataasiakkaanut nassuiaatit

Nr. 1-mut

Allannguutissatut siunnersuutip taaguutit sammisami taaguutinut atorneqartartunut naapertuussarlugit iluarsiivigai, tamanna aalajangersakkap imarisaanik allannguineramik nassataqanngitsumik.

Nr. 2-mut

Allannguutissatut siunnersuutip taaguutit sammisami taaguutinut atorneqartartunut naapertuussarlugit iluarsiivigai, tamanna aalajangersakkap imarisaanik allannguineramik nassataqanngitsumik.

Nr. 3-mut

Allannguutissatut siunnersuutip taaguutit sammisami taaguutitut atornerqartartunut naapertuussarlugit iluarsiivigai, tamanna aalaajangersakkap imarisaanik allannguinermik nassataqanngitsumik.

Nr. 4-mut

Allannguutissatut siunnersuutip taaguutit sammisami taaguutitut atornerqartartunut naapertuussarlugit iluarsiivigai, tamanna aalaajangersakkap imarisaanik allannguinermik nassataqanngitsumik.

Nr. 5-mut

Allannguutissatut siunnersuutip taaguutit sammisami taaguutitut atornerqartartunut naapertuussarlugit iluarsiivigai, tamanna aalaajangersakkap imarisaanik allannguinermik nassataqanngitsumik.